



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sylva Cogitationum Sacrarum Pro Cathedra Seu Conceptus Prædicabiles

Ex Præstantissimis Authoribus collecti ; Et In tres Classes divisi

Complectens Dies Festos Per Annum

Höger, Franz

Ingolstadij, 1726


VD18 90197097

Festum S. Joannis Bapt.

[urn:nbn:de:hbz:466:1-53072](https://nbn-resolving.org/urn:nbn:de:hbz:466:1-53072)

tuum mihi. Prov. 23. v. 26. Sed I.
Cor sine labe. II. Cor sine languore.
III. Cor sine vacillatione. Id est, Pu-
rum, fervens, constans. Chappuis. Me-
dit. 23. Nov.

THESIS XV. *Caro enim mea verè Cultus Eu-
est cibus.* Joan. 6. v. 56. I. Omnia *charistia.*
in hoc Mysterio *vera* sunt, nam Deus
est, qui dixit. II. Omne *Adorabile*,
quia, quod hìc est, Deus est. III. O-
mne *Admirabile*, quia, qui hoc fecit,
Deus est. IV. Omne *Amabile*, quia
Deus est, qui se donat. Chappuis. in
Medit. in Octava hujus Festi.



FESTUM S. JOANNIS BAPT.

THESIS I. *Erat in desertu usque in Pœnitens
diem Ostensionis suæ.* Luc. 1. v. *sine culpa.*
80. Ulteriùs Amor progredi non po-
test, quàm ut quis Peccatorem se con-
stituat quoad pœnam, qui innocens est
quoad culpam; nam si Reus culpæ se
Reum faciat pœnæ, remedium quærit
E 3 sui

sui peccati ; verum si se Reum poenae constituat, qui est integer vitae, in Poenitentia quaerit effectum Amoris. Poenitentia in Peccatore Satisfacit pro peccatis commissis ; Poenitentia in innocentia Meretur ob Amorem, quem ostendit. Habes hic Innocentiam Joannis in vestimentis Poenitentiae.

Nativitas, THESIS II. *Peperit Filium.* Luc. *vista, mors.* 1. v. 57. Decebat namque, ut Mysticam Nativitatem ejus, mirabilis Vita sequeretur, & Sanctam perfectamque Vitam Mors Deo devota concluderet. S. Bern. serm. de S. Joan.

THESIS III. *Magnus coram Domino.* Luc. 1. v. 15. I. Et reapse Magnus fuit Joannes in sua Nativitate, utpote quae fuit Opus Gratiae, quia: Antè coepit vivere Deo, quam sibi. S. Aug. II. Magnus in sua Vita, quae fuit durus Baptismus Poenitentiae, utpote: qui, ut vinceret Mundum, vicit antè Naturam. S. Aug. serm. 3. de S. Joan. III. Magnus in Morte, quae fuit Sanguineus Veritatis triumphus. Quis credat, ista aut concupisse Meretricem, aut fecisse Praetorem inquit Seneca l. 4. Controv. c. 25. de Flaminio loquens, qui in gratiam cu-
riosa

riofæ Amasiæ hominem decollari jussit.
Dijon Capuc.

THESIS IV. *Quis putas puer iste Infantia.*
erit? Luc. I. v. 66. Prælagia vitæ
ex Infantia desumi possunt. I. Ex
prævijs Ominibus. II. Ex Parentum
vita. III. Ex Institutione Magistri.
IV. Ex Societate. V. Ex vitæ
primordijs. *Faber. hic. Conc. 4.*

THESIS V. *Erit enim Magnus. Magnus.*
Luc. I. v. 15. I. Multi magni in o-
culis Hominum. II. Multi magni in
Oculis suis. III. Multi magni coram
Domino. *Vide Pantheon Engelgrave hic.*
Item Paul. Segneri Manna in hoc Festo.

THESIS VI. *Joannes quidem Miracula.*
signum fecit nullum. Joan. IO. v. 41.
An ad Fidem Christianam plures addu-
xerint Miracula Evangelizantium, an
illorum juxta Præcepta ac Consilia E-
vangelij insticuta vita? Problema est:
ad quod respondet S. Joannes Chrylost.
hom. 47. in Matth. pro Vita: Sic Joannes
nullum signum fecit, qui tot tan-
tisque civitates erudivit: Sic Paulus in
principio Conversionis neminem sana-
vit neque à febris, imò cum Petro porta

ferrea miraculosè aperiretur, ipse, Damasci obscurâ fugâ in sporta submissus, per murum se salvare debuit &c.

Magnus. THESIS VII. Erit enim Magnus, Luc. I. v. 15. S. Joannes nobilitatur Parentibus, Miraculis, Moribus, Munere, Passione. S. Ambros. l. I. in Luc. Vide Breviar. in Vigilia S. Joan.

Nativitas. THESIS VIII. Peperit Filium. Luc. I. v. 57. Quintuplex Nativitas est, scilicet I. Nativitas Culpæ, hæc prima est in utero. II. Nativitas Naturæ, hæc fit ex utero. III. Nativitas Doctrinæ, quæ fit per Evangelium. IV. Nativitas Gratiæ, quæ fit in Baptismo. V. Nativitas Gloriæ, quæ erit in Judicio. Hugo Card. sup. c. 4 Sap.

Natalis. THESIS IX. Multi in Nativitate ejus gaudebunt. Luc. I. v. 14. Non ita apud omnes, ac semper; nam Natalis unius sæpe fatalis fuit alijs. In die Natalitio occisus est Sedecias à Nabuchodonosor, Joannes ab Herode, Judas ab Antiocho, Pistor à Pharaonu. Hugo Card. sup. Gen. c. 40.

In aula Herodis. THESIS X. Erit enim Magnus, Luc.

Luc. I. v. 15. S. Joannes in Aula Herodis I. erat quasi *Aulæ Præfectus*, quia Rex eum libenter audiebat. II. Erat quasi *Concionator Aulicus*, quia veritatem imperterritè dixit. III. Erat quasi *Martyr aulæ*, quia ibi indigna passus, mortem sustinuit.

THESIS XI. *Signum fecit nullum.* Joan. 10. v. 41. *Nullum aliud Miraculum fecit in vita sua, præterquam, quòd se Sanctum effecerit.* I. Miraculum minimè dubium. II. Miraculum minimè fictum. III. Miraculum minimè adornatum.

THESIS XII. *Elisabeth Cognata tua, & ipsa concepit Filium.* Luc. I. v. 36. Quòd Beata Virgo plùs Mater Joannis exicit, quàm Elisabeth, quia hæc quidem Mundo, illa Deo partu spiritali eum genuit. *Vide Mystic. Civit. Dei, Mariæ de Jesu, Abbatis. Item supra festo Annunc. B. V. Thes. 7.*

THESIS XIII. *Ut facta est vox Salutationis tuæ.* Luc. I. v. 44. *Scilicet à MARIA, vel per MARIAM I. Rei habent veniam. II. Justi gratiam. III. Angeli letitiam.* S. Bern. in Sen.

E 5 Omnia

Omnia hæc in materno utero Joannes à MARIA.

Visitatio. THESIS XIV. *Visitavit, & fecit Redemptionem.* Luc. i. v. 68. Tribus modis dicitur Deus visitare homines: I. Ad *Consolationem*; uti hic factum est; & Exod. 4. II. Ad *Correctionem*; *Visitabo in virga iniquitates eorum.* Pl. 88. item Exod. 32. III. Ad *Condemnationem*; *In tempore Visitationis sue corruent.* Jerem. 8. Ita S. Thom. super *Isai. c. 8.* vide Faber hinc *Conc. 7. n. 10.*

Laus. THESIS XV. *Joannes quidem signum fecit nullum.* Joan. 10. v. 41. Et hoc maximum signum, nam Joannes fuit I. *Propheta sine voce*, quia digito monstravit. II. *Pœnitens sine crimine.* III. *Magnus sine vanitate.* *La Selve tom. 2. de Sanctis.*

Qualis homo? THESIS XVI. *Quis putas Puer iste erit?* Luc. i. v. 66. *Fuit homo missus à Deo.* Joan. 1. v. 6. Joannes I. *Est homo missus à Deo, sed Homo omni alio homine Major.* II. *Est Homo, qui vocatur Angelus.* III. *Et est Homo, qui aestimatur Christus.* Quod verò ipsam admirationem acuit: *Est Homo omni alio*

alio homine major, & Humilitatem sectatur; Est Homo, qui vocatur Angelus, & Pœnitentiæ adhæret; Est Homo, qui æstimatur Christus, & Christum laudat. Nam: Joannes credebatur Christus, & in illo errore populus moraretur, nisi ab illo confidente corrigeretur, inquit S. Aug. *serm. 25. de Sanct. La Selve tom. 2. de Sanctis.*

THESIS XVII. *Quis putas Puer Divinus iste erit?* Luc. I. v. 66. *Varia divinitio.* nationum genera. I. Ex Astris. II. Ex Elementis. III. Ex Physiognomia. IV. Ex Somnijs. V. Ex Oraculis. VI. Ex Sortibus. *Faber in Fest. Epiphan. Conc. 6.*

THESIS XVIII. *Joannes est Nomen Gratia.* *ejus.* Luc. I. v. 63. Joannes interpretatur Gratia; Videamus Gratia Divinae Necessitatem, Operationes, & Triumphos. I. *Ejus Necessitas* maxima est Peccatoribus, ut convertantur; Justis, ut perseverent; Omnibus, ut salventur. II. *Ejus Operationes* sunt admirabiles, quia suadet, sic tamen, ut non aduletur; allicit, sic tamen, quod non

non necessitet; trahit, sic tamen, quod non cogat. III. *Multos filiorum Israël convertet ad Dominum.* Luc. 1. v. 16. *Ejus Triumphus sunt gloriosissimi, quia sæpe triumphat de hominibus, qui indurati sunt; qui periti sunt; qui rebelles sunt.* *La Selve fer. 6. post Dom. 3. Quadrag.*

Educatio. THESIS XIX. *Quis putas Puer iste erit?* Luc. 1. v. 66. I. Quemadmodum bona educatio communiter propheta est bonæ vitæ; sic mala educatio sæpe propheta malæ vitæ est. II. Quemadmodum bona vita propheta est bonæ mortis, sic vita scandalosa sæpe propheta est miseræ mortis. *Diction. Apostolic.*

Laus. THESIS XX. *Quis putas Puer iste erit?* Luc. 1. v. 66. Joannes est: I. *primus Infans Ecclesiæ, quem illa Redemptoris gratia sanctificavit.* II. *Primus Frater Christi, quem sibi ex amore Christus adoptavit.* III. *Primus Filius MARIÆ ex hominibus, quem illa verbò genuit Gratia.* *Durand. Character. Sanct. p. 1.*